

**ORDE do 12 de decembro de 2017 pola que se establecen as bases reguladoras das axudas para paliar os danos producidos polo lobo e se convocan para o ano 2018. Consellería de Medio Ambiente e Ordenación do Territorio. DOG N° 7, (10/01/2018)**

**Obxecto e principios**

1. Esta orde ten por obxecto establecer as bases reguladoras dunha liña de axudas a favor das persoas titulares de actividades gandeiras afectadas polos ataques do lobo ás reses das súas explotacións, coa finalidade de compensar os danos ocasionados no seu gando, e convocalas para o ano 2018.

2. Estas axudas tramitaranse en réxime de publicidade, transparencia, concorrencia, obxectividade, igualdade e non discriminación, con eficacia no cumprimento dos obxectivos fixados e eficiencia na asignación e utilización dos recursos públicos. Así mesmo, resultarán de aplicación os preceptos da Lei 9/2007, do 13 de xuño, de subvencións de Galicia.

**Persoas beneficiarias**

1. Poderanse acoller a estas axudas as persoas propietarias do tipo de gando que se especifica no anexo I e que fora afectado por ataques de lobos dentro da Comunidade Autónoma.

**Requisitos**

1. O gando danado polo que se solicita a axuda deberá cumprir cos seguintes requisitos:

a) Pertencer a unha explotación incluída no Rexistro Xeral de Explotacións Gandeiras de Galicia.

b) O gando bovino, ovino e cabrún deberá cumprir cos requisitos sanitarios establecidos nos programas de control, vixilancia e erradicación de enfermidades que poden afectar as especies gandeiras de acordo coa normativa aplicable para o efecto.

No caso do gando porcino, deberá pertencer á raza celta e cumprir cos requisitos sanitarios establecidos no Real decreto 599/2011, de 29 de abril, polo que se establecen as bases do Plan de vixilancia sanitaria do gando porcino e no Real decreto 360/2009, do 23 de marzo, polo que se establecen as bases do programa coordinado de loita, control e erradicación da enfermidade de Aujeszky.

c) Estar identificado de acordo coa normativa aplicable para o efecto e, no caso de gando porcino de raza celta, deberán estar identificados individualmente e estar inscritos no Libro xenealóxico da raza

**Ámbito temporal**

Esta orde comprende as axudas para os danos producidos polo lobo que se comuniquen desde o 1 de outubro de 2017 ata o 30 de setembro de 2018.

**Comunicación do dano**

1. Nas vinte e catro horas seguintes ao ataque no caso de gando en réxime intensivo e nas setenta e dous horas no caso de gando en réxime semiextensivo ou extensivo, as persoas

propietarias das reses deberano pór en coñecemento da Consellería de Medio Ambiente e Ordenación do Territorio mediante unha chamada, no horario hábil, **ao teléfono 012**, na cal se lles facilitará unha chave que servirá para acreditar a chamada e identificar o expediente.

O horario hábil de atención telefónica é desde as 8.00 ata as 20.00 horas, de luns a venres, e desde as 8.00 ata ás 17 horas 30 minutos os sábados.

Para os danos constatados entre as 17 horas 30 minutos dos sábados e as 8.00 horas dos luns, a comunicación da constatación do ataque realizarase nas vinte e catro horas seguintes contadas desde as 20.00 horas do domingo.

**Os animais mortos non poderán ser manipulados** para non obstaculizar o labor investigador dos/das axentes que se despracen ao lugar para valorar os feitos e elaborar a correspondente acta. Para isto tomaranse as medidas oportunas para evitar, no posible, a alteración do escenario do acto de predación e evitárase en todo caso o seu traslado do lugar dos feitos.

Os animais feridos poderán ser atendidos por persoal veterinario coa menor manipulación posible co obxecto de non entorpecer o labor investigador.

2. A partir do 1 de outubro de 2018 poderanse realizar comunicacións por danos do lobo de acordo co establecido nos parágrafos anteriores e queda condicionada a concesión de axudas a unha nova convocatoria no ano 2019.

## Importe das axudas

1. O importe das axudas por morte do gando figura no anexo I desta orde.

Este **importe incrementarase nun 30 %** cando afecte explotacións dos concellos recollidos no anexo III desta orde.

2. No caso de animais feridos, a axuda estimarase en función dos gastos veterinarios producidos e acreditados (enténdese por gasto veterinario tanto a actuación do persoal profesional como o tratamento prescrito), nunha contía que, en ningún caso, poderá exceder o límite das contías previstas no anexo I desta orde.

### ANEXO I Baremo utilizado para o pagamento de axudas polos ataques do lobo

Especie	Clase e idade	Custo calidade normal	Custo calidade selecta (*)
Ovino	Cordeiro < 12 meses	58 €	88 €
Ovino	Adulto ≥ 12 e < 6 anos	102 €	124 €
Ovino	Adulto ≥ 6 anos	26 €	31 €
Cabrún	Cabrito < 12 meses	73 €	109 €
Cabrún	Adulto ≥ 12 e < 6 anos	102 €	131 €
Cabrún	Adulto ≥ 6 anos	26 €	31 €

(\*) Razas incluídas no Catálogo oficial de razas de gando de España (anexo I do Real Decreto 2129/2008) ou calquera outra de pura raza.

Especie	Clase e idade	Raza celta
Porcino	Leitón < 3 meses	90 €
Porcino	Porco ≥ 3 meses e < 6 meses	150 €
Porcino	Porco ≥ 6 meses e < 9 meses	200 €

Especie	Clase e idade	Raza celta
Porcino	Porco da ceba ≥ 9 e < 12 meses	300 €
Porcino	Porco da ceba ≥ 12 meses	380 €
Porcino	Reprodutoras	360 €
Porcino	Reprodutora preñada	400 €
Porcino	Reprodutor	450 €

Especie	Clase e idade	Custo rubia galega	Custo outras razas autóctonas*	Custo vacún leiteiro	Resto de reses de gando vacún
Vacún	Becerro < 2 meses	305 €	360 €	240 €	240 €
Vacún	Becerro ≥ 2 meses e < 4 meses	383 €	458 €	305 €	305 €
Vacún	Becerro ≥ 4 meses e < 6 meses	639 €	839 €	560 €	560 €
Vacún	Becerro ≥ 6 meses e < 1 ano	658 €	867 €	579 €	579 €
Vacún	Vacún ≥ 1 ano e < 2 anos	879 €	1.150 €	958 €	767 €
Vacún	Vacún ≥ 2 anos e < 6 anos	1.199 €	1.799 €	1.597 €	1.199 €
Vacún	Vacún ≥ 6 anos e < 9 anos	958 €	1.318 €	879 €	879 €
Vacún	Vacún ≥ 9 anos	575 €	718 €	480 €	480 €

\* Cachena, caldelá, vianesa, limiá e freiresa

Especie	Clase e idade	Custo pura raza galega	Custo outros cabalos
Equino	Poldro < 2 meses	198 €	158 €
Equino	Poldro ≥ 2 meses e < 4 meses	258 €	198 €
Equino	Poldro ≥ 4 meses e < 6 meses	396 €	330 €
Equino	Poldro ≥ 6 meses e < 1 ano	594 €	496 €
Equino	Equino ≥ 1 ano e < 2 años	634 €	541 €
Equino	Equino ≥ 2 anos e < 10 anos	792 €	594 €
Equino	Equino ≥ 10 anos	594 €	449 €
Asnal	Asnal < 1 ano	60 €	
Asnal	Asnal ≥ 1 ano e < 10 anos	200 €	
Asnal	Asnal ≥ 10 anos	150 €	
Mular	Mular < 1 ano	100 €	
Mular	Mular ≥ 1 ano e < 10 anos	300 €	
Mular	Mular ≥ 10 anos	225 €	

## Prazo de presentación de solicitudes

Os prazos de presentación da solicitude de axuda serán os seguintes:

a) Para os **danos comunicados entre o 1 de outubro de 2017 e a entrada en vigor desta orde**, o prazo de presentación será de **45 días naturais contados a partir da entrada en vigor desta orde**.

É requisito imprescindible que se teña previamente comunicado o ataque do xeito e no prazo previstos na Orde do 26 de decembro de 2016 pola que se establecen as bases reguladoras das axudas para paliar os danos producidos polo lobo e se convocan para o ano 2017.

b) Para os **danos ocasionados a partir da entrada en vigor desta orde**, o prazo de presentación será de 45 días naturais contados desde o día seguinte ao da comunicación do dano.